

# XANANA IHA PRIZAUN

Autór mak Kirsty Sword Gusmão

Ilustradór mak Adelino Soares





# **XANANA IHA PRIZAUN**

Autór mak Kirsty Sword Gusmão

Ilustradór mak Adelino Soares





Bainhira militár Indonéziu kaer Komandante FALINTIL,  
Xanana Gusmão, iha Díli, sira kontente tebes.

Tinan barak sira buka nia iha ai-laran, la hetan.

CIPINANG



Militár no governu Indonéziu fiar katak povu Timór nia “Maun Boot” ne’e sei haluha nia luta. Militár no governu Indonéziu hanoin katak ema hotu-hotu iha mundu sei haluha Xanana no Timor-Leste.






Maibé iha prizaun iha Jakarta Xanana halo belun barak.

Nia halo belun ho guarda sira. Sira bolu nia  
“komandante.”

Nia halo belun ho prizioneiru Indonéziu sira seluk.  
Xanana joga bola ho sira. Nia ko’alia ho sira kona-ba nia  
luta ba ukun rasik-an.



Xanana ho prizioneiru timoroan sira hakiak ikan ho manu.  
Sira kuda modo no tunu paun.



Xanana halo pintura hodi bele hanoin hikas Timór nia tasi  
no foho sira.



Tinan ida dala rua, família no belun sira halo vizita ba nia iha prizaun. Ho kuidadu no subasubar, vizitante sira konsege lori surat husi ai-laran ba Xanana.

Lihosi família ka belun sira, Xanana haruka mensajen ida ba Timór no mós ba mundu ...





"I mi Bele hadau, ami nia  
Liberdade, maibe ami sei  
la haluha ami-nia tai  
Doben  
Timor-Lorosae"

Xanana nia mensajen mak

“Iha-ne’ebé de’it, ami sei luta nafatin .... to’o ukun rasik-an.”



Militár no governu Indonéziu la kontente.